

元始无量度人上品妙經卷之二十六

明體貫氣品

道言昔於太丹天中絳雲凝霄赤光世界受元始度人明體貫氣无量上品元始天尊當說是經而乃謂言吾爲天地之祖萬氣之先三寶天君肇化之後道體分三於太空混黃清虛丹暉廣化大劫生第三元老號太上老君統治玄氣養育人民卽吾至道分神傳授大範已經九萬九千九百九十九億妙氣氣分三劫无量度人吾昔於彼已明此道當命太上老君於太丹天中爲一切眾生剖析祕密開化天人吾已演化諸天明露道要三才五行陰陽玄極之旨明體貫氣最後分別宜命太上宣示

道藏輯要

度人妙經

一

角集六

隱微使諸眾生悟道通達作是念已太上老君居太清太極宮大光明殿敬聞教誡徑詣座前稽首再拜長跪默念大聖虛皇元始天尊寶號者三上奏天尊臣奉密旨令升法座爲十方天人說明體貫氣妙經謹依詔命諦奉宣揚禮足整衣將說是經周迴十過以召十方始當詣座天真大神列聖高尊上清真人無鞅數眾乘空而來九霞布空玄光內照華蓋飛軒碧落騰輝流雲丹景垂蔭太虛七日七夜清微禹餘大赤三境種民三界无極諸天日月官府玉垣帝座太微寥陽鬱山玄京丹臺紫閣瑤闕瓊樓皇極飛綱洞淵劫仞森然在目無有隔礙眾真侍座太上老君玄坐空浮陽光玉闕寶臺之上說經一徧諸天大聖

同時稱善是時一國男女咸悟生化之根說經二遍眾惡消除
說經三遍萬善集身說經四遍真氣下降灌注心田說經五遍
所向皆真玄符正範說經六遍神妙足備克獲飛仙說經七遍
明體妙元貫氣達用說經八遍九玄七祖上世亡魂眷屬親姻
逍遙離苦說經九遍玉章破暗靈光燭幽說經十遍一切眾生
永斷惡趣冤仇解脫報對休停是時一國是男是女莫不傾心
皆受護度咸得長生

道言是時太上老君說經一徧東方无極无量品八景大神無
鞅之眾浮空而至說經二徧南方无極无量品明光大神無鞅
之眾浮空而至說經三徧西方无極无量品制魔大神無鞅之

道藏輯要

度人妙經

二

角集六

眾浮空而至說經四徧北方无極无量品藥珠大神無鞅之眾
浮空而至說經五徧東北无極无量品雲宮大神無鞅之眾浮
空而至說經六徧東南无極无量品變化大神無鞅之眾浮空
而至說經七徧西南无極无量品靈飛大神無鞅之眾浮空而
至說經八徧西北无極无量品三素大神無鞅之眾浮空而至
說經九徧上方无極无量品玉虛大神無鞅之眾浮空而至說
經十徧下方无極无量品離合大神無鞅之眾浮空而至十徧
周竟十方无極明體貫氣大神一時同至一國男女傾心歸仰
來者駢委叢踏數計億量非可爲比徧諸天境於是太上老君
覩見四眾十方圍繞卽向北方恭禮玉京大聖元始天尊上清

紫霞太上玉宸大道君既畢復座東嚮環顧大眾運道神力移十方天人遐邇來者徧天觀聽之儔盡升虛空高可百丈卽取碧霓流雲黃縷萬花之帔迎取天人來置座下廣殿四開无鞅之眾則如積粟讚歎禮拜聲震八極太上老君天顏微笑舉五明寶扇撫紅霄金光明之几重告大眾曰道出而爲神神化而爲氣氣者未有天地陰陽之先真元萬化之祖道之妙感也其氣非色非形非有非無不隸陰陽不屬五行能生能化能成能實爲道之神用故剛於金石清於冰玉大於虛空長於上古內凝至精造立混沌下逮萬類此氣爲始其謂之氤氳恍惚者氣兆於形端質陶於太素作天地之妙本名曰一氣故有真一玄

道藏輯要

度人妙經

三

角集六
又文川

一太一亦曰玄元始三氣自建植玉京及於泉戶仙聖鬼神人物莫不由之均以道生無有分別高下善惡強弱堅脆以自然付受未常爲也洎三界成就神靈攸司君尊臣卑則役造化定隆殺興賢愚立高下則道有至聖之神天有不私之帝三垣星斗八威神官以布其政記人功過生滅無失雖纖芥圭黍不得逃逾則先明體以貫其氣如道爲無體德爲有體照爲明體玄爲暗體陽爲動體陰爲靜體正爲仙體邪爲鬼體體分既定則貫其氣以受其生無體則貫以浩氣有體則貫以元氣明體則貫以清氣暗體則貫以濁氣動體則貫以龍氣靜體則貫以常氣仙體則貫以靈鬼體則貫以異氣明體貫氣區畛有方萬

化大定三才之政績用乃成超凌三界高真之業可觀善惡之錄有科福禍之理大明天人鬼神十方億萬之眾化遠教行出離輪轉仙道克登長生無爲允合太空太上老君說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行善心明信明因明緣明報明感明果明法明教明戒明體言符至道行合天機齊同慈愛異骨成親國安民豐欣樂太平經始出教一國以道預有志心宗奉禮敬皆得度世

道言太上老君說經中所言並是諸天上帝內名隱韻之音亦

道藏輯要

度人妙經

四

角集六
八十一

是魔王內諱白靈之隱名也非世之常辭上聖已成真人通玄明體真氣貫身能悉其章誦之十過神光內耀魔鬼喪睛儀璘舒華璇璣煥明崇癘斬戮鬼神伏形回屍起死白骨成人至學之士誦之十過則太上遙鑒三府記名祇邪殞首滯爽登升濟度垂死絕而得生所以爾者學士未洞太玄務明體理穢氣不盡尙拘人累召制十方威未制天政德可伏御地祇束縛魔靈但卻死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量爲萬道之宗巍巍大範德難可勝

道言凡誦是經十過諸天齊到體淨心明陰翳消滄氣合神真

冥光晰暢億會萬祖幽魂苦爽皆卽受度上升朱宮格皆九年
受化更生得爲貴人而好學至經功滿德就皆得神仙飛升金
闕遊宴玉京上學之士修誦是經皆卽受度飛升南宮以其誠
誦通感明體不昧靈氣貫形自然受鍊得詣流火之庭瑩玉光
於靈顏納朱文於錦胃也世人受誦氣添生福屍故自斷血流
清津腦填素液則延壽長年後皆得作屍解之道魂神暫滅不
經地獄卽得返形遊行太空此經微妙普度無窮一切天人莫
不受慶無量之福生死蒙惠上天所寶不傳下世至士齋金寶
効心盟天而傳輕泄漏慢殃及九祖長役鬼官侍經五帝玉童
玉女各二十四人營衛神文保護受經者身

道藏輯要

度人妙經

五

角集六
XIII

道言正月長齋誦詠是經明萬物受生之體仙靈人鬼變化之
道皆從太无自然中來依道立體資氣爲用以神發知用明爲
識陰陽水火鍊以成真萬物之體仙靈人鬼其體若同變化所
貫之氣各異神通妙密各各不同出沒隱淪彰顯之道互出互
領爲上世亡魂斷地逮役度上南宮七月長齋誦詠是經明萬
物受成之體仙靈人鬼陰息之道皆從靈氣貫質陰火烹鍊依
定立堅憑靈爲變以清爲知以燥稟體月華滌汰鍊以成真萬
物之體仙靈人鬼其體若同變化所貫之氣各異神通冥運各
各不同謝緣斷凡幽曠之道互出與領身得神仙諸天書名黃
籙白簡削死上生十月長齋誦詠是經明萬物復命之體仙靈

人鬼還元之道皆從玄一得命命以定體太黑貫氣兩半成功
依液感生喻粹護養晦以生明以靜爲化玄霜碧露鍊以成真
萬物之體仙靈人鬼其體若同變化所貫之氣各異神行默察
各各不同出離遐舉之道互出祕領爲國王帝主君臣父子安
鎮國祚保天長存世世不絕常爲人君安鎮其方民稱太平八
節之日誦詠是經八風隱體貫氣八方八景會真泥丸洞明得
爲九宮真人本命之日誦詠是經兆自明體貫氣入身賢者爲
聖凡骨爲真魂神澄正萬氣長存不經苦惱身有光明三界侍
衛五帝司迎萬禮朝禮名書上天功滿德就飛升上清

道言行道之日皆當香湯沐浴齋戒入室東向叩齒三十二

道藏輯要

度人妙經

六

角集六
X 3 X

通上聞三十二天心拜三十二過閉目靜思身坐青黃白三
色雲氣之中內外蒼冥東有木玄真人南有炎象真人西有
金液真人北有水象真人上有玄妙真人侍衛監觀獅子白
鶴羅列左右日月照明洞煥室內頂生圓象光映十方如此
分明密呪曰

无上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟上徹徑御

无上三十二天元始上帝至尊几前

畢

引悉三十二過東向誦經

天皇真人曰此經神寶君代虛皇說之故亦詣元始上帝授
太極元化保生真人爲序真人乃禹餘天高真道君之臣故
亦稱道言

道藏輯要

度人妙經

七

簡集六

正一天師青微弟子共百堅製作
道教學術資訊網站

元始无量度人上品妙經

元始洞玄靈寶本章明體貫氣虛妙上品皇極度人淵微寶曆符應自然混合玉文龍康化真泰洞無垠虛象流形空無渺邈植立萬天鴻濛正氣大朴分源飛騰升降包絡交纏開明雙景帝一合仙玄虛上宰演妙高深鬱昌啟運肇生神靈是爲變化玉極元皇紫霄綱維晶耀琳琅飛輪持紐數度朱光上清劫仞大有黃房後聖廣延三真化官下治崑邱瑤臺閬風端居天京統教十方中有玄元大範之靈中有司天變化之君中有徊水舞空大神中有太微冲和妙行真人中有鳳臺絳闕雌一玉檢曲素大洞高真共明正體无量度人今日貫氣諸天臨軒

道藏輯要

度人妙經

八

角集六
川文

東方无極八景神王長生大聖无量度人
南方无極明光神王長生大聖无量度人
西方无極制魔神王長生大聖无量度人
北方无極藥珠神王長生大聖无量度人
東北无極雲宮神王長生大聖无量度人
東南无極變化神王長生大聖无量度人
西南无極靈飛神王長生大聖无量度人
西北无極三素神王長生大聖无量度人
上方无極玉虛神王長生大聖无量度人
下方无極離合神王長生大聖无量度人

十方虛明正體神王開天貫氣无量大神並乘流光鳳車瑤輦
華蓋丹輿驂駕神虎猛獸斑麟建七真玄鉞三素朱旗前捧洞
陽寶印後仗招靈信幡太極羣仙飛空步虛五佐啟途三官翼
轅億乘萬騎浮空而來傾光回駕監真度生太微玉輔紫宸上
皇至陽元老冲妙大神總執生符來詣帝庭隨所開化攝召萬
靈普告三界六極八冥廣覆飛圓寒嶽丹扃方諸靈紐陽谷洞
泉通明大劫龍虬成池龜城瑤闕浮照星機三元上館天憲九
宮二十七府簡注元功持握生化考校羅酆真光流布下拔罪
魂息役鬼官業報休停冤仇和釋隨運長存因緣輪轉上升朱
陵永斷貪愛牽纏之苦逍遙高空受鍊太霄太霄之天天帝觀
覺無色之境梵行

道藏輯要

度人妙經

九

角集六
川メシ

東方八天

力欲竟成天

帝居央微真

納乾晝登天

帝辨崇至羣

都會秀敷天

帝杳良鳴

祛非卻妄天

帝石完夫

變正玄明天

帝寂真耕

呂耀疆勒天

帝胡顯希明

極真定瑤天

帝章毗化居

邀立召雲天

帝野昌曜虛

南方八天

利定宛圖天

帝景昌祖名

韓司主生天

帝萌元評

玉觀夷會天

帝召靈紀須

咸樂赭冲天

帝確端由衢

車揚璘下天

帝度謠路音

平煥鬱理天

帝氣成專浮

太皇育嶠天

帝孔遵生

藍英佐侯天

帝洞覺靈

西方八天

道藏輯要

度人妙經

十

角集六
1夕又

童隨巘妙天

帝圖賓良

舉玄謝都天

帝仇周九王

赤震招仙天

帝火提楚基

標光咸思天

帝璟明山師

亮宗迪玄天

帝召意并堂

魁符大建天

帝玉練演論

空居杳樂天

帝越婁浮光

載梵阿史天

帝隱題部延

北方八天

東井貫綱天

帝北華粗彌

幽華太虛天

帝莊岵杜如

劫刃降和天

帝斗勇慈云

玄方正嶽天

帝籠京麻玦

通霄次皇天

帝玉宮乾尊

極張應加天

帝洞神八威

宗回淨化天

帝黃朱景臙

慧擇龍化天

帝謝登溢常

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
九華十晶遊宴鬱單生神妙冊高祕京山玄波鼓蕩運幹天關

道藏輯要

度人妙經

十一

角集六
川文

今日雙輪會合大慶因緣請除故滯真降玄丹萬惡永消變景
飛仙上靈監舉同升帝軒木曜宣威火曜施政金曜司察水曜
行令土曜四據總持符命句芒主生蓐收化斂玄冥閉藏祝融
流演后土居中執御大典青靈始老立天開發丹靈真老檢校
科格皓靈皇老主領殺伐鬱靈玄老大布聖澤玄靈元老坐鎮
金闕五老帝尊萬神所歸飛行三界正統元機持幢仗節遊觀
太微位號顯著教令弘施上天戮邪豁落誅摧天皇受詔收滅
魔凶石光交煥烈火流衝炎方攝精醜伯驅風寒夜雲營清穴
陰宮敢容乖變拒遏高真融蒼大吏明示典刑泉沙苦刃捕逐
無停風刀束送除蕩妖兵百邪歸正皇道長興簡奏大羅同功

紫宸陽輝鳳歷九氣順行普告十方無量威靈列科定籍三元
保甯丹華大誥分變推遷劫刃崑邱飛霞散煙上闔八極下列
九淵風轉圓羅肇生諸天天上天下混洞沉冥溟滓鴻濛玄極
無形宏綱大範幽廓生音赤象黃方度劫自然元始流布霄輝
上篇金籙簡章八景瓊文攝召眾魔保制天根正氣騰飛成結
清都元和化演鳳真玉書總祕蕭臺廣運冲虛紫微八會元素
珠編陽景招靈无量飛仙同會太清氣合上玄玄中玉真太極
高皇流泛洞霞吟嘯明堂三騫秀鬱輝耀絳房玉章化氣丹宇
騰光澄晶永劫安保延康千和萬合自然成真真中有神三天
大君玉虛上帝黃老先生長生法師大洞高尊執符把籙保度
之章貴氣靈篇辭參高真

第一妙無廣化生氣之音

雙明初判	乃闢天關	蕩蕩道境
元始高居	玉剛橫空	輪轉四虛
鬱羅寶臺	深祕龍章	虎山海嶠
開天御圖	上玄降氣	悉受真符

道藏輯要

度人妙經

十一

角集六

回環八素

飛躍飄浮

上清大洞篇

三十九皇書

道君受法言

絳霧閣清都

帝道既已成

真文當廣敷

普度學仙民

飛神登太无

第二妙有明體成道之章

玄玄太羅天

中有白玉京

崑闕聳太虛

端坐虛皇尊

三氣遶蕭臺

天闕列神靈

太帝執虎符

下召元皇君

羣品受真體

分化逐境生

天魔列玄職

朱旛校北營

大聖憫淪溺

玄章下太清

元洞布靈慈

道藏輯要

度人妙經

三

角集六

為爾敷真經

願爾進仙業

咸得道果成

光明照幽夜

苦爽皆超升

永斷相牽結

寃對悉休停

第三大混貫氣之歌

元始立萬天

正氣青黃白

浮變為高清

沈化成渾濁

中和有邪正

為人復生物

欲念弊真元

愛河常汨沒

契道入仙靈

功圓歸帝闕

造業墮輪回

隨念沉幽獄

豈知太空中

三官秉化筆

執我大威權

九宮標憲格

天堂諸種民

南昌常快樂

既證玄悟道

豈復有淪沒

受我天寶言

速進長生業

此三界之上飛空之中仙王歌音音參洞章誦之百徧名度南宮誦之千徧魔王保迎萬徧道備飛升太空過度三界位登仙公有聞靈音魔王敬形勅制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂無量普度無窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈魔王隱祕之音皆是大梵之言非世上常辭明究生體貫氣隨材天政及民卓無私妄天之至公考驗於帝王法道以變通隨時以舉用通玄聖之隱密

道藏輯要

度人妙經

十四

角集六

非凡俗之可量故謂玄奧難可尋詳上天所寶祕於神霄玉清王府東藏寶室依科三萬七千年應運下傳若有至人齎金寶質心依舊格告盟十天然後而付焉

道言夫誦詠此經則凡體成真穢氣清蕩天光入心骨有玉津克證靈仙永謝死因萬道開通所爲者成上順天常日月五星中和人氣疾痛無侵下制魔爽百神衛形皆當齊心修齋六時行香十徧轉經福德立降消諸不祥無量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法太上明體體變柔金司命貫氣氣陶玉津魄鍊屍滅九宮還靈魂神徑上南宮

隨其學功計日而得更生轉輪不惑便得神仙

道言夫天地運終星宿錯度日月失昏四時失度陰陽不調國
境有災兵氣時現疫毒流行兆民死傷師友命過凡有此災皆
業成變體德感致氣各有所由道之自然天之政也皆當修齋
行香誦經夫齋戒誦經功德甚重上消天災保鎮帝王下禳毒
害以度兆民生死受賴其福難勝故曰無量普度天人
道言凡有是經能為天地帝主兆民行是功德有災之日發心
修齋燒香誦經十過皆諸天記名萬神侍衛右別至人克得為
聖君金闕之臣諸天記人功過毫分無失天中魔王亦保舉爾
身得道者乃當洞明至言也

道藏輯要

度人妙經

五

角集六

諸天中大梵隱語无量音

太極真人撰

太上明體貫氣靈篇

東方八天

亨健基圖

偃明命輿

句華品懋

蘭第立無

刹弱忌到

泯炎坤謀

建書靈憲

直真帝壺

呼正德銘

越鼎亨亨

詔彥遵澤

古同焉誅

敵假宥傑

番離潛徂

神岡破綱

周慎新都

南方八天

璚瑁虛攸

麗佃雅秋

孟郎純被

思瀏騫投

勅鎮鬼井

畢參柔休

定斷神磔

賜候印婁

洸鉛洞溢

霞晶散浮

煌爛棲魂

交駟蔚搜

常古疑涵

淨池火求

治瀕感兌

生蘇氣彪

西方八天

混契萌動

融衝駿偷

緣羅知大

猛旗聿漚

荷裙夷箭

曷領逋適

日藥烏九

文已空洲

渺何呈段

道藏輯要

度人妙經

夫

角集六

厯江紫泉

響抱親飼

爻構道先

君軀分體

氣列由筵

肇解魯佳

釋滋用筌

北方八天

笱陲阿陵

辜胡拯玄

景搏太霄

舒靜播連

赤鏤瑤秩

巨閱宏遷

符疏雲華

紅誕露翩

關溟東戶

邱府壅年

蠹並虢晉

滬意邈傳

色凝方確

祕丹董源

韓錄罰爽

道彰碧沿

道言此諸天中大梵隱語无量之音舊文字皆廣長一丈天真
皇人昔詣柏林之舍對伏天玄五方率現帝仙唱虛納以火泉
鍊之九劫交乃瑩鮮書太極鳳軒玉屏之上金光自生照徹諸
天真子佩文世世登仙龍車入門常侍帝前丹書燔之飲以瓊
泉百病去身壽等九天昔書其文以爲正音有知其音變而通
之爲道利亨齋而誦之諸天皆遣飛天神王下觀其身書其功
勤上奏諸天萬神朝禮地祇侍門大勳魔王保舉上真道備克
得遊行三界升入金門此音無所不辟無所不禳無所不度無
所不成變凡體招靈氣克保升仙天真自然之音也故誦之致
飛天下觀上帝遙唱萬神朝禮三界侍軒羣祇束首鬼精自亡

道藏輯要

度人妙經

七

角集六
小ヌメ

琳琅振響十方肅清河海靜默山嶽吞煙萬靈震伏招集羣仙
天無氛穢地無祲塵冥慧洞清大量玄玄也